

बच्चा के काणे बाइबल
परस्तुति

यीक्षु को
जनम



लिखबा हालो: Edward Hughes

व्याख्या करबा हालो: M. Maillot
Alastair Paterson

रूपान्तर करबा हालो: E. Frischbutter; Sarah S.

अनुवाद करबा हालो: Bro. Warrington E. Lal

परस्तुत करबा हालो: Bible for Children
www.M1914.org

©2020 Bible for Children, Inc.

लाइसेन्स – थे या कहाणियां की फोटू कापी अर छापाई को काम करवा
सको छो पण यक शरत छे कि इके ताई बेचेगा कोइने ।



घणा बरसा पहेली की बात छै क परमात्मा
ने येक देवदूत जिको नाम गेबरियल छो येक
यहूदी कुवारी कन्या के गोडे खंदायो जिको
नाम मरियम छो उने उसू खी क तू एक
छोरा न जणेगी जिको नाम यीक्षु
रखजे अर तूं सबसूं उंचो होवेगो

अर उंको राज
कधी भी खतम
न होवेगो ।



उ छोरी न अचरज सू पूछी या कस्या
होवेगो । महने कधी भी कोई लोग को
मुंडो न देखियो । देवदूत न खी अरे यो
छोरो परमात्मा की आडी सूं होवेगो ।
कोई मनख इको बाप
न होई सके ।



फेर देवदूत ने मरियम सू
खी क थारी काकी की
छोरी इलिदाबा क भी
बुढापा मे येक छोरो
होवेगो अर यो भी
अचरज छै । या सुणता
ही मरियम भागी भागी
इलिदाबा सू मलबा गी
अर दोनिया न मलर
भजन किर्तन करया ।



मरियम की सगाई यूसुफ
नाम का एक भाईला सूं
हुई छी जद उने सुणी ख
मरियम पेट सूं छै घणो
दुखी होयो उंने सोची
क जे उंका पेट में
छै उको बाप म्हु
कोइने छूं ।



युसुफ ने छपना में देवदूत र्खी बातां
सूणी क यो जे छोरो पैदा होबा हालो
छै वू परमात्मा को बेटो छै । यी
कारणे युसुफ मरियम की सार
सम्भाल करबा लाग्यो ।



युसुफ परमात्मा को हुक्म मानबा हालो ओर उपे बसवास करबा
हालो छे । वू आपणा देस का सारा कायदा कानून माने छे ।
अर नया कानून का मुताबिक
आपणो हारिल चुकाबा के
काणे आपणे घरणे
का गांव बैतलहम



में मरियम न लेर गयो ।





मरियम क जापो होबा ही
हालो छे । पण युसुफ क
ताई ठहरबा के काणे कठी
ठोर न मली वठी सैदी
धरमसालाआ
भरी छी ।



सबसू पाछे उके ताई ढांढा ढेरा न बांधबा की साल मली अर वठी
छेरा यीक्षु को जनम होयो । उंकी माई ने उने एक लता में लपेट
न रखाणियो ।



गोडे सून ही गुवालिया आपणी गाडरा नी रूखाली करता करता
उंघरिया छा । परमात्मा का देवदूत न परकट
होरर वां क ताई यो अचरज
को संदेशो
दियो ।



आज थाके कारणे दाउद का सहर में एक मुकति देबा हाला नाना
छोरा का जणम होयो है अर वू मसीह परभू
छै उने थां यक लता का टुकडा में लिपटियो
पावेगा ।



उयी टेम फटाफट मनमान सारा देवदूत परगट होया अर परमात्मा
का भजन गाबा लाग्या । "आकास मे परमात्मा
की महिमा अर धरती पर मनख्या म जिसू
परमात्मा राजी छै शांति मले ।"



गुवालिया बेगा बेग उठरर ढांढान की साल में
पूगिया अर उ छोरा न देखर जे बातां देवदूत न
वासू यीक्षु के बारा में रखी छी वा सैदी वांके ताई
बताई ।



40 दना पाछे युसुफ अर मरियम उं छोरा
न लेर यरूदलेम का मन्दर में पुग्या वठी
एक बुढो ढोकरो छो जिनो नाम
शमौन छो उन्हे उं छोरा के
काणे परमात्मा को धन्यवाद
मान्यो । वठी एक बुढी
लुगायी हन्ना
अर दुसरा सेवा
करबा हाला
मनखिया न
भी इ छोरा
के काणे
परमात्मा
को धन्यवाद
मान्यो ।



व दोनू जाणे छा ख यीक्षु परमात्मा को
बेटो छै ने मुक्ती देबा हालो छै । वठी
युसुफ ने दो परखेरुओ की बली

परमात्मा के सामे चढायी ।

गरीब गुरबा जद आपणा

बच्चा ने परमात्मा के सामे

पहली बगत

लावे छा

अस्या ही

करे छा ।



थोडा दना पाछे एक
चमकीलो तारो पुरब
देस का सूनियान न
लेर यरूद्लेम पूग्यो
वठी जारर वांने

पूछी क यहूदियान को राजो
जिको जनम हुयो छै कठी छै म्हा
उंका दरसन करबा चावा छ।



राजा हेरोदेस न या बात
जद सूणियान से सूणी तो उ
परेधान होग्यो अर वां सूं खी
क थाने यीक्षु को कठी मल्यो,
महू भी उंका दरसन करबा
चाउ छू, । उने खी पण वूं
झूठो छो, वूं तो यीक्षु के ताई
जान से मारबा चावे छो ।





वू तारो सूणियान ने लेर उ ठोर पर ठहरगियो जठी
यूसुफ अर मरियम आपणा बच्चा के लारा
छा । सूणियान ने गोडा टेकरर दरसन
करया अर सोणो, लुबान अर घणी
मेंहगी मेंहगी सुगन्ध की चीजा को
चढावो चढायो ।



परमात्मा ने सूणियान को चेतायो
के थे चुपचाप अठे सू थांका घर
चली जाजो क्योके हेरोदेस राजो
घणो गुरसा म छै उं इ छोरा न
मारबो चावे छै । फेर हेरोदेस न वठी
बैतलहम मे सैदा नाना नाना छोरा

न मरवा
दिया ।





पण हेरोदेस परमात्मा का
बेटा को कांई भी न
बगाड सक्यो । यूसुफ
छपना मे चेतावनी पारर
मरियम अर यीक्षु के ताई
चोखी सुरक्सा मे लेर
मिरु देस चलीग्यो ।



जद राजो हेरोदेस सरग
सिधारग्यो युसुफ अर
मरियम यीक्षु के ताई
लेरर पाछा मिरू देस
सू आग्या ।



अर नान्हा सा गाम
नासरत मे जे गलील क
समन्दर के गोडे छे रहबा लाग्या ।



यीशु को जनम

बाइबल सँ परमात्मा की वाणी में कहाणी

मे पायो गियो

मत्ती 1-2 लूका 1-2

“जे आपणा जीवन में उजालो करे छे ।”

भजन 119:130



स्वतम्



बाईबल की या कहाणी आपणे तांइ बतरावे छै क
परमात्मा जिने आपणे तांइ बणायो, वू चावे छै क आपण उके तांइ जाणा ।

परमात्मा जाणे छै क जे जे गुनाह अर गलत काम आपण करां छा उने वू
पाप माने छै अर पापा री सजा मौत छै । परमात्मा आपण सू अतरो प्रेम करे छै कि
उने आपणो एकलो बेटो यीक्षु मसीह न इ दनियां में खंदायो क उ सूली पर चढर
आपणा पापा री सजा भुगते । यीक्षु मरबा बाद पाछो जीवतो होय ग्यो अर सरग में
अपणा घर माई नार बैठ ग्यो । नद थे यीक्षु परभू पै बसवास करो अर आपणा पापा
री छमा उसे मांगो त वू थांकी अरज सूणी न थांके मायने रहवेगो अर
थे भी उके लारां सदा बणियां रहोगा ।

यदि थांने या बसवास छै क या बाता सैदी सांची छै तो परमात्मा सू या बात रखे :
प्यारा यीक्षु मने बसवास छै क थे ही परमात्मा छो अर मनख बणी ने इ धरती
माइने अवतार लेई न पधारिया, थाने म्हारा पापा रा खातर आपणी मौत री सजा
भुगती अर थे पाछे जिन्दा होई ग्या अब मूं थांसू अरज करू छू क थे म्हारी जीवण
जेवडी मई आर म्हारा पापा न छमा करो ताकिं म्हने नवो जीवण मल सके अर मूं
हमेसा हमेसा थांके लारा लारा चाल संकू । परभू यीक्षु म्हारी मदद करो क म्हूं थारी
सैदी आज्ञा न मान संकूं अर थारी संतान बणी न थारे करणे जी संकूं । आमीन

बाईबल पढो अर रोजाना परमात्मा सूं बातां करो । यूहना 3:16

